

web.archive.org

Transcript of ABS-CBN Interview with Pablo Martinez, co-accused in the Aquino murder case | Newsbreak

10-12 minutes

By

This is a transcript of the interview (in Filipino) aired on ABC-CBN News on November 22, 2007 where Pablo Martinez , one of the convicted suspects in the murder of the late Senator Benigno Aquino, Jr., reiterated what he said in his confession that Eduardo “Danding” Cojuangco ordered the killing of the opposition leader upon his return from exile in 1983.

Martinez, who was recently granted pardon by President Gloria Macapagal Arroyo, was interviewed by ABS-CBN Anchor Julius Babao.

MARTINEZ: Mga kasama, hindi ko na babanggitin ang mga pangalan ninyo.

Dalawang bagay ang nararamdaman ko, una ako ay

masaya nagagalak ako dahil makakasama ko na rin ang paking pamilya sa labas. Maaring magkakasama kami sa pasko o ano mang bagay na pagsama samahan ng mga pamilya.

Nalulungkot ako dahil mami-miss ko kayo. Yung bonding natin para bang magkakaroon ng gap pero hayaan ninyo dahil kung may pera ako at pamasahe eh dadalaw-dalaw ako pero sabi naman ni attorney hindi na rin... Hindi na rin kayo tatagal dito.

Yan ang sabi ni attorney sa akin, kasunod na raw kayo. So kung sino man sa inyo ang may hinanakit, hahahaha, humuhingi ako ng kapatawaran sa bawat isa sa inyo. Tuloy ko na ipanalangin kayo. Ako'y isang alagad na rin ng diyos nilang pastor at alam ko na ang sabi ng banal na kasulatan, the prayer of the righteous... Kaya ano bang hihilingin ko, ipagkakaloob ng panginoon.

Naniniwala ba tayo dun? So sana po yung may sama ng loob sa akin

Hahahaha alisin na ninyo yan at kahit kailan man ilang taon tayo nagsama-sama hindi ako nagkaroon ng galit sa inyo. Minahal ko kayo at siguro ay pakiramdam ko naman ay minahal nyo rin ako. Sa hrap at ginhawa nagsama tayo, nagkataon lamang na siguro kaya binigyan ako ng conditional pardon dahil matanda na ako. Ako'y 70 yrs old na at mayroon batas naman kasi na ganoon. Wag kayong maghinanakit kung ako'y sumulat, oo sumulat nga ako dahil batas eh.

Alangan naman pabayaang ko yung sinasabi ng batas eh, si Grinasp ko na yung pagkakataon na yun at awa naman ng diyos ay pinakinggan ako. At ang ginamit ay ang mahal na attorney at saka yung priest na sumulat, si Mister Efren Montaña maraming salamat din po sa inyo. At saka yung sa investigation doon sa pangyayari, yung mga experts naniwala din ang higher ups na hindi sundalo ang pumatay. Kundi ito ang pinagdidinaan namin na talagang si Galman talaga ang bumaril ang kaso nga laang, ang Aquino pamilya hindi sila maniniwala. At ang sabi nila sa amin, ang sabi nila sundalo ang pumatay. Hindi po.

Ako'y pastor, sagutin ko yan sa panginoon kung ako'y magsisinungalinig pa.

Hindi magiging katanggap-tanggap sa panginoon kung ako'y maglilingkod samantalang ako'y sinungaling. So mga kasama, ipagpaumanhin ninyo. Alam ko ang mga kasama kong ito sa loob ng ilang taon magkasama-sama kami, naniniwala ako na wala silang nalalaman sa kaso. So sana po makarating din sa presidente ang daing naming ito atsaka kay ginang Cory na alisin nila sa isip nila na isa sa mga sundalo ang pumatay. Hindi po. Si Galman talaga ang bumaril kay Aquino. Hindi ko sinasabing maniniwala kay pero yan ang katotohanan. Yung sinasabi ko ay pawang katotohanan lamang. Kaya't maraming maraming salamat Po. Maraming maraming salamat.

BABAO: Ano pong ibig nyong sabihin nung sinabi nyong si Galman talaga ang bumaril kay Ninoy?

MARTINEZ: Nagsasabi lang ako ng totoo. Dahil ang sinasabi ng pamilya Aquino, hindi raw si Galman kundi isa raw sa mga sundalo ang pumatay. Hindi po. Hindi po.

BABAO: Ano po ba ang nakita nyo noong araw na yun?

MARTINEZ: Ang nakita ko talaga si Galman. At siya ang kasama ko eh. Ako ang nagpasok sa kanya sa tarmac. At ang kasalanan ko dun kung hindi sa akin na ako ay sumusunod lang naman sa kautusan, hindi papasukin si galman dahil wala siyang authority. Wala siyang access doon sa lugar na yun. Kung kaya't may pasok kami dahil kasama ko siya at ang sinakyan pa namin sasakyan eh sasakyan ng vice-commander dati, si Col. Ochoco, Romeo Ochoco.

BABAO: nakita nyo ho ba nung binaril mismo ni Galman?

MARTINEZ: nakita ko dahil magkasama kami. Magkasama kami. lisang pwesto namin dalawa.

BABAO: Paano pinatay ni Galman si Ninoy?

MARTINEZ: Binaril nya.

BABAO: Papano, pakikwento?

MARTINEZ: Nagbunot siya ng revolver nya pagkatapos binaril nya ng kwan talaga, sa left side ng aide ni ex-

senator Aquino. Binaril nya. Malapitan kaya hindi mimintis.

BABAO: Ano po ang ginawa nyo nung binaril na si Ninoy?

MARTINEZ: Ang ginawa ko nagcover ako, tumakbo run ako sa isang malayo layo din ng lugar upang baka ako'y mabaril din dahil ang alam ko yan may kwan yan e, may nagmamanman sa amin din eh, na ibang grupo rin eh, na oras na nayari yun, talagang titirahin kami. Kaming dalawa ni Galman ang titirahin noon.

Kaya noong kwan na yun hindi ko narin iniisip na mabubuhay ako eh. Alam ko na rin na mamamatay ako eh. Pero dahil may hawak ang diyos sa akin at mayroong plano sa akin, nangyari na preserve ang buhay ko.

BABAO: So alam nyo po na papatayin talaga si Ninoy?

MARTINEZ: Alam ko. Alam ko na papatayin siya. Kaya kami naroroon dalawa ni Galman eh. Pero itong mga kasama ko hidni nila alam. Ang alam nila ise-secure ang pagdating ni ex-senator Aquino.

BABAO: Kayo lang ang nakakaalam na papatayin si Ninoy?

MARTINEZ: Ako lang nakakaalam at saka si Galman.

BABAO: Sino po ang nag-utos nito?

MARTINEZ: Ang nag-utos nyan sa akin ay si Col.

Ochoco. Na si Col Ochoco naman magkasabwat sila ni General Gatan, yung nasirang General Gatan, magkasama sila. So sa may kwan pa yan siguro eh sila ang nakakaalam nun. Noong kwan kami sabihin ko ba yun nung...

[ATTY. PERSIDA ACOSTA] May footage na run eh.

BABAO: Ano ho ang gusto nyong sabihin kay Pangulong Aquino?

MARTINEZ: Gusto ko sanang humingi ng kapatawaran sa kanya. Kung magkakaroon ng audience sa kanya, aywan ko kung tatanggapin. Hindi sila maniwala eh, sa sinasabi ko eh.

BABAO: Bakit ho kayo humihingi ng tawad?

MARTINEZ: Kasi kautusan din yan ng Panginoon eh, kung san ka nagkasala eh humingi ka ng kapatawaran doon.

BABAO: So inaamin nyo ho na may kasalanan kayo?

MARTINEZ: Inaamin ko na may kasalanan ako.

BABAO: Ano po ang inyong kasalanan?

MARTINEZ: Ang kasalanan ko ay ako ang nagsama kay Galman doon sa tarmac. At ang napakaimportante dyan alam ko na papatayin siya kasi po kung hindi ko naman tatanggapin yung trabaho na yun sinabi na sa akin eh, ang ang gaganunin ako delikado dyan. Di sinugal ko rin buhay ko.

BABAO: Ano ibig nyong sabihin kanina na ang mensahe nyo sa kanila wag sana sumama ang loob. Meron bang sumama ang loob sa kanila?

MARTINEZ: Ay ang akin kwan lang, pakiramdam, baka mayron. Baka mayron. Syempre ako ang may kasalanan talaga eh bakit ako pa ang nauna. Pero ang sinasabi ko sa kanila hahaha sana 70 yrs old na rin kayo para makalaya na rin kayo.

BABAO: Ano po ang mensahe nyo kay Pangulong Gloria?

MARTINEZ: ang mensahe ko po sa inyong kagalang galang na Presidente Gloria Macapagal Arroyo, humihingi ako ng pabor tungkol naman dito sa aking mga kasamahan, na alam ko po wala silang kasalanan sa kasong ito. Nagamit lang sila.

Injustice, kung kwan nga eh, injustice ang nangyari sa kanila. Sila'y palalayain na rin sana. Binibigay ko rin ang pasasalamat ang kung di nya pinirmahan eh wala hindi ako makakalabas. Saka paulit-ulit ko na ring sabihin salamat sa aming attorney at wala kaming gastos. Siya pa nga ang naggagastos sa amin, siya ang nagpapakain sa amin, naalaman rin niya kasi na giliw na giliw na rin kami sa masasarap na pagkain, sa malayang lipunan, kung minsan nagkkwan sya dito.

BABAO: Ano po ang inyong plano Mr. Martinez, sa inyong paglabas? Ano ho ang una nyong gagawin?

MARTINEZ: Ang plano ko po ay ang tutuparin ko ang covenant ko sa panginoon bilang pastor, mag-e-evangelize ako. Alam kong marami pa ang anak ng Diyos na hindi pa kumikilala sa kanya.

BABAO: Bukod po dyan? Dito lang po ba kayo sa Metro Manila o magpo-probinsya kayo?

MARTINEZ: Yun ay susunod na plano na yan pero sa ngayon hindi ko alam kung san na ako pupunta ngayon.

BABAO: Di naman ho kayo natatakot? Magsisimula nanamn kayo ng panibago, hindi nyo alam kung ano buhay sa labas?

MARTINEZ: Alam ko naman ang buhay sa labas talagang mahirap pero kung Nakayanan ko dito eh, na limited ang kilos ko eh, sa labas pa kaya na hindi ako mabubuhay?

BABAO: Sino po ba yung mga binabanggit nyong mastermind?

MARTINEZ: Ang binabanggit kong mastermind dyan si kwan eh, si Mr. Danding Cojuangco eh.

BABAO: Sino pa? May iba pa hong involved dito?

MARTINEZ: May namatay na eh. Yung civilian na nakalimutan ko ang pangalan. Namatay na rin. Tsaka yung si General Gatan, yung namatay na rin. Yan ang mga may pakana dyan eh.

BABAO: Bakit nyo ho si Danding kaya nasabi syang

mastermind?

MARTINEZ: Kaya ko nasabi nakausap ko si kwan eh, kinakausap ko yung mga, yung mga bata eh, na nagpupunta dun sa akin eh. Yung two days ko doon atsaka two nights dun sa hotel palagi sila doon syempre nakakausap rin sila, kinakausap ko sila. At ang sabi nila bata sila daw ni Danding Cojuangco.

BABAO: Yun lang ho ang pinaka-kuneksyon ni Mr. Cojuangco dun sa...

MARTINEZ: Yan ang pinaka kuneksyon nya.

BABAO: Pero wala ho kayong narinig na sya ang nag-utos?

MARTINEZ: Ah wala akong narinig na, hindi ang sabi ko sa kanila kasi, ang tanong ko sa kanila 'kanino ba kayo kumuha ng order?' 'kaninong order ba siya?' 'Si Danding' sabi ganun.

BABAO: Hindi ho ba kayo nangangamba sa inyong seguridad ngayong meron kayong nalalaman tungkol dito sa tunay na mastermind ng Aquino-Galman at nasa labas na po kayo? Hindi ba kayo natatakot?

MARTINEZ: Ang takot ay nariyan. Pero nagtitiwala ako sa Panginoong Diyos eh. Dahil kung ayaw ng panginoong diyos na hindi ako lalabas eh siguro hindi ako makakalabas. May pahintulot din ang panginoon na ako lumabas. Kung pinahintulutan nayng lumabas ako, sya rin ang mag-aalaga sa akin.

BABAO: Pero may takot kayo sa puso nyo o wala na?

MARTINEZ: Wala na. Ubos na yung takot eh. Ang narito sa akin yung awa habag ko dito sa aking kasamahan na ito dahil talaga kahirap ng pera syempre kung dadalwa ang kanilang pamilya kokonti na rin ang madadala dahil syempre financially talagang hirap sa labas eh.

Transcript courtesy of ABS-CBN News

CATEGORY:

TAGS: